

**ORATIO HABITA
SERENISSIMI
PORTUGALIAE
ALGARBIORUM'QUE
REGIS SEBASTIANI...**

Portogallo, Giovanni Strozzi



Q. 17. 4. 89

42 3 1 7 4 2 1 5 3 2 1 6 4 7 3 6 4 5

1872

1871

... (faint text) ...



ORATIO

HABITA, SERENISSIMI PORTUGALIAE ALGARBIORVM'QVE

Regis Sebastiani Nomine, In Concilio Tridentino. Die IX.

Februarij. M. D.

LXII.



VM ad tuendam Christianae religionis integritatem, Sacrorum Conciliorum ac comodata semper fuerit auctoritas, his tamen nostris, post hominum memoriam, turbulentissimis temporibus, quibus et pietatis sinceritas tot est erroribus contaminata, et veteris disciplinae severitas omnium fere ordinum luxu, cupiditateque dissoluta, huius Sacrosancti conventus celeberritas sic omnibus de Christianae Reip: salute cogitantibus necessaria visa est, ut non alia ratione sincera religio suae puritati restitui, collapsa morum disciplina instaurari posse videatur. Et quoniam singulari Dei Opt. Max. beneficio effectum est, ut tandem aliquando magno animorum consensu publicus uniuersi Christiani

nomine conuentus Pontificia authoritate in hanc urbem indictus egeretur, confidimus plane futurum; ut quam apud omnes Christiane pacis studiosos expectationem commonit sacri huius, venerandique coetus religiosa maiestas & amplitudo, non modo, persanatis aliquot religionis vulneribus, impleat, sed ita superet. ut saucio, debilitatoque Christianae Reipub. corpori omni ex parte medeatur. Nam si quis animo, atque cogitatione velit paulo altius repetere eas difficultates, quibus non solum nostra, sed superiori etiam memoria, Sacri Concilij progressio fuit interrupta, facile intelliget & tunc fuisse multa, quae oecumenici Concilij splendorem obscurare, & cursum impedire videbantur, & nunc fuisse nonnulla, quae nisi constanti sua prudentia, & pia plane constantia Sanctissimus Pont. Pius IIII. superasset, non modo, quam hic hodie summa cum voluptate, intuemur, Christianae Reipub. vitam sane, & suis omnibus propemodum membris expressam effugiem, minime haberemus, sed vix exiguum illius, obscurumque simul lacrum cerneremus. Et aliorum quidem Pontificum stabilis, perpetuaeque in promulgando, indicendoque Sacrosancto Concilio sententia, vehemens illorum studium erga Christianam Rempub. non obscure declarauit, & constantiae, pietatisque laudem apud posteros illis conciliauit: qui nullis temporum asperitatibus perturbationibusque deterriti, rem toties parum facilliter tentatum diuinae sapientiae consilij innixi sibi repetendam iudicarunt. Sanctissimi vero D. N. Pij IIII. Pont. & Apostolicae dignitatis fastigio, & animi ornametis vere Maximi, laudibus, nulla sane par vilo unquam tempore oratio poterit reperiri, qui, ut excellens in Christianam Rempubicam suae viuis curae sollicitudinique diuinitus traditam, studium testaretur, cum primum fuit Pontifex Max. declaratus, ut quod saluari, auspicatoque plane nomine pollicebatur, adhibita inueteratis Ecclesiae malis medicina prestaret, in concilij celebrandi ratione, quo vno remedio omnium mentes ad sanitatem reduci posse videbantur, omnes suas curas cogitationesque ab ipso sui Pontificatus exordio collocauit. Cuius enim prior conatus & paternae pietatis viscera prospicerent hi, quos ille & nuncijs & amantissimis literis in hanc urbem ad oecumenicum Concilium celebrandum adhortabatur, conuenerunt frequentes, ut videmus, & ut speramus, non modo illius auctoritate, sed huius etiam Sanctissimi Conuentus exemplo, celebritateque incitati frequentiores in dies conuenient, & huius Sacrosanctae Synodi dignitatem sua pietate magis illustrabunt. Quod si oecumenicorum Conciliorum auctoritas Sacrarum literarum

monumentis non tam esset diserte comprehensa; quis tamen sobrie;
saneque mentis crederet, pio tot integerrimorum, Sanctissimorumque
presulum conuentui sanctum dei spiritum defuturum, qui in medio
duorum, triumve de pietate agentium, se promissi futurum? Cum vero
tanta sit Sacrorum Conciliorum autoritas, ut quæ in illis decernantur,
pro diuinis oraculis excipiantur ab omnibus, quis sibi non facile per
suadeat in omnibus de Christiana Religione controuersiis, eam fore ver
rissimam sententiam, quam tot patres matura ætate, spectata virtutes,
exactaque eruditione ornatissimi, comprobauerint, et Reuerendissimi,
Illustrissimique Legati, diuina quadam sorte ad hoc munus electi, qui
Pontificio nomine Sacro Concilio president, sua autoritate confirmas
serint. Tametsi vero facile adducimur, ut credamus in eadem sententia
ceteros pro sua pietate, et sapientia futuros, de nobis tamen possumus id cõ
stantius, apertiusq; profiteri, qui ornatissimo vestro conspectu in tantâ Chris
tianæ Reip. sapientissimis vestris decretis constituendæ expectationem
sumus erecti, ut non mō vestra pietate existimemus fore, ut omnes de religio
ne controuersie dirimantur, sed vestra et censoria seneritate omnium ordi
num, Sacerdotumq; presertim, qui cæteris scientia, et vitæ integritate præ
lucere debent, moros ad Euangelicæ sinceritatis normam dirigantur. Quæ
qui sibi ex Sacro Concilio non pollicentur, aut quam vim habeant non per
spiciunt, aut cuius autoritate nitantur, non intelligunt. Hos quidē frustus,
aut uberiores et postulat a nobis Christiana Resp. hoc expectat Sereniss.
Princeps SEBastianus Portugaliæ, Algarbiorumq; Rex huius nominis pri
mus. Qui licet suum in Christianā Remp. studium satis vobis crederet per
spectum, et cognitum, ut tamē suā erga Sacrosanctū Concilium obseruantiam
illustriore testimonio declararet, ornatissimū virum, quem videtis, D. Ferd.
Martinez Mascarenium ad hoc Sacrum Concilium destinauit, non oratorē
solum sed, pignus, obfidemq; perpetuæ suæ erga Sacrosanctum Concilium ob
seruantie, et pietatis. Quante vero curæ optimo religiosissimoq; Principi
fuerit, æcumenici huius Concilij celebritas, et amplitudo, testari apud vos
poterunt non solum antistites Bracharensis, conimbricensis, Leriensisq; sa
crarum literarum scientiæ, spectata pietate, et vitæ integritate insignes, qui
se explicare celerius, et maturius in hanc urbē venire potuerunt, sed et qui
constitutis suarū Ecclesiarum rationibus adierunt ex illius Regnis, et Domi
nijs, quos oēs Christianæ pietatis studiosissimus Princeps accurate est plitè
rashortatus, ut q̄ diligentissime possent se ad maturā profectionē cõponerēt,
ne vel iubentis, vel entisq; Summo Pontifici segenius parere, vel laboranti Ecclesiæ
serius, q̄ cum eorū pietas tū periculi magnitudo postulabat, adesse viderentur.

*Quæ omnia a Sereniss. Rege studiosissime sunt curata, partim ut sua
erga Sacrum Concilium observantia satisfaceret, partim etiam, ut Cla-
rissimorum Portugaliæ, Algarbiorumque Regum maiorum suorum reli-
gioni, pietatique responderet. Quorum res fortiter, & feliciter gesta
ita semper fuerunt cum publica Christianæ religionis utilitate, & di-
gnitate coniunctæ, ut tot, defusis, profligatisque Barbaris Regibus,
victorijis, tot direptis expugnatisque hostium oppidis, tot arcibus in
adverso Numidiæ, Cætiliæque litore ad comprimendam Barbarorum
audaciam, erectis, non tam sui Imperij fines proferre, quam Chris-
tianæ Religionis gloriam propagare voluisse videantur. Incitabantur
ille quidem Regij animi excellenti magnitudine, sed ad nativam, insu-
tamque eorum propensionem accedebat aculeus ille, quem Alfonso
primus Portugaliæ Regni conditor, & author posterorum Regum ani-
mis impressum reliquit. Quod si apud Clarissimos Portugaliæ Reges
tantum valuit exemplum perpetua quædam serie velut per manus tra-
ditum, quid vos, Amplissimi Patres, expectare par est a Serenissimi
Regis Sebastiani animo, quem non solum superiorum Regum Illustria
exempla, sed recens, spiransque ad huc Emanuelis proavi, Ioannisque
Tertij aui memoria ad prouehendæ religionis studium vehementius ac-
cendit? Quomodo enim potest vel Emanuelis Regis pronepos non iisdem
vestigijis insistere, vel Ioannis Optimi, maximique quondam Regis
nepos, cognita ab omnibus propemodum, qui hic adestis, illius pie-
tatis exempla, minime conspectari? Quorum ille subiectis Apostolicæ
sedis Imperio, tot in Oriente Regnis Prouincijs, Barbarisque nationi-
bus, eius gloriam longe, lateque illustrauit. Hic vero non modo suc-
cessor a Emanuele felicissimæ recordationis Rege patre suo populos
in officio, fideque continuit, sed etiam studio diligentique perfecit,
ut repudiato nephario inanum simulacrorum cultu, Christianæ reli-
gionis pietate imbuerentur, & nostræ discipline sacra, moresque li-
benter sequerentur. A quo propagandæ latius nostræ religionis cur-
su, cum partim finitimorum Africæ Regum infestis excursionibus, par-
tim magnis a Solymano ad euertendum nostrum in Oriente Imperium
missis classibus subinde interPELLARETUR, illorum quidem audaciam, te-
meritatemque, grauissimis illatis damnis, repressit. Huius vero nauales
copias in ipso Dij, Florentissimæ totius Cambaiæ Regni vrbis conspectu,
ita oppressit, ut Solymanus purpuratorum Satraparum apud Barba-
rum & immanem Tyrannum gratia & autoritate longe maximus, qui
Classi summo cum Imperio præerat, multis depressis tiremibus, loca*

ris, truncatisque navigijs, egre sit fuga salutem consecutus; Quæ idea
 breuiter, cursuque a nobis sunt commemorata, Patres Amplissimi,
 non modo vt intelligeretis, quanto suorum periculo, et sumptu suo,
 Clarissimi, proferendæque latius Christianæ Religionis studiosissimi Por-
 tugalis Reges, non in oppositæ nobis Africæ solum proximis, sed in
 Asiæ etiam remotissimis diiunctissimisque prouincijs grauissima, periculo
 sissimæque bella susceperint, quæque ea vel animi magnitudine gesser-
 rint, vel constantia, felicitateque confecerint, sed etiam vt cognos-
 ceretis, eandem erga Sanctam Sedem animum, idem ad Christianam
 Religionem amplificandam, propagandamque, studium, eandem ergo
 hoc sacrum Concilium obseruantiam, eandem denique pietatem expec-
 tandam a Sereniss. Rege Sebastiano, et regia præstantissime indolis
 significatione ad excellentes omnes virtutes propenso, et domesticis
 imaginibus, Clarissimorumque Regni Illustribus exemplis incitate.
 Qui, quod Sanctissimo Pontifici, literis est pollicitus hodie cumulatè
 præstat, suumque ad illustrandam huius Sacrosancti Cocilij celebrita-
 tem, studium, vobis Amplissimi Patres, hodierna die per D. Ferdin-
 andum Martinez Mascarenium suum Oratorem, Virum non solum an-
 tiqua generis nobilitate, et familia, multis Asiæ, Africæque triumphis
 insigni, sed fide, integritate, cæterisque ornamentis longe præstantem
 effuse pollicetur. Sperat autem fore, vt quoties cum de publicis Chri-
 stianæ Religionis, atque disciplinæ tum de priuatis negotijs nostrarum
 Ecclesiarum quæ singulari Dei Opt. Max. beneficio, nec ob Ecclesiæ
 Romane cæterarum parentis et magistræ obseruantia deflexerunt,
 nec a veteri, receptoque semel, cultu recesserunt apud vos il-
 lins Orator agere volet (quod pro sua prudentia non
 nisi necessarijs, aut grauib. certe causis im-
 pulsus faciet) vos, cognitis Serenissimi
 Regis mandatis, cum pro ve-
 stra humanitate be-
 nigne exci-
 piatis.



RESPONSVM SANCTAE SY-
NODI, DATVM ILLVSTRIS
ORATORI SERENIS-

*fumi Regis Portugalie in eius
comparatione.*



ILLVSTRISSIMI, D. Orator. Manda-
tum & literæ Serenissimi Portugalie Regis, quæ mo-
do a Dominatione vestra exhibitæ in hoc sacro loco re-
citatae fuerunt, nec non ea, quæ ornatissima Oratio-
ne exposita sunt, huic Sanctæ Synodo iucundissimum
nuncium attulerunt, cum declararent eximiam quan-
dam, ac perpetuam clarissimorum Portugalie Regū,
ac præcipue Serenissimi Sebastiani Regis in Deum
pietatem, insigne in Remp. Christianam Studium, ac
summam erga hoc æcumenicum, & Generale Concis-
lium, obseruantiam, licet nihil noui huic Sanctæ Synodo allatum sit. Ne-
mo enim est cui compertissima non sint præclara Regum Portugalie facie-
nora in Christiana Religione, veræque Christi fide in Orientis partibus pro-
paganda. Non minor tamen Maiestati suæ, maioribusque suis piissimis,
& Clarissimis Regibus laus & gloria hac tempestate debetur, quod in his
calamitosus temporibus, tot dissidijs, totque in Ecclesia exortis hæresibus,
Regna & Ditionem suam in Orthodoxa fide, Ecclesiæque Catholice vni-
tate (vti vere Christianos Principe: decet) semper conseruauerint, quam in
Barbaris, & idolorum cultui deditis Nationibus ad veram religionem tra-
ducendis. Quamobrem hæc Sancta Synodus Deo, & Patri Domini
nostri IESV Christi meritis de his omnibus gratias agit,
Dominationemque vestram, tum ipsius Regis causa,
tum ob singulare eius prudentiam, ac sanguinis
splendorem, grato ac beneuolo animo re-
cipit. Regium vero mandatum,
quantum de iure de-
bet, admis-
sit.